



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u julu 2026. godine




Monetarna kretanja u julu 2026. godine

Ukupna novčana masa (M2) na kraju jula 2026. godine iznosila je 45,15 milijardi KM i u odnosu na prethodni mjesec registrovano je povećanje novčane mase za 566,8 miliona KM (1,3%). Povećanje novčane mase (M2) rezultat je povećanja novca (M1) za 483,2 miliona KM (1,7%) i kvazi novca (QM) za 83,5 miliona KM (0,5%). U strukturi novca (M1) gotovina izvan banaka je povećana za 205,4 miliona KM (2,7%), dok su prenosivi depoziti u domaćoj valuti veći za 277,8 miliona KM (1,4%). Povećanje kvazi novca (QM) je rezultat povećanja prenosivih depozita u stranoj valuti za 19,7 miliona KM (0,4%) i ostalih depozita u stranoj valuti za 140,2 miliona KM (1,7%), dok je istovremeno kod ostalih depozita u domaćoj valuti zabilježeno smanjenje od 76,3 miliona KM (1,9%).

Na godišnjem nivou, porast novčane mase (M2) u julu 2026. godine iznosio je 4,66 milijardi KM (11,5%). Rast je ostvaren kod gotovine izvan banaka za 624,1 milion KM (8,7%), kod prenosivih depozita u domaćoj valuti za 2,64 milijarde KM (14,8%), kod prenosivih depozita u stranoj valuti za 216,5 miliona KM (5,1%), kod ostalih depozita u domaćoj valuti za 339,6 miliona KM (9,4%) i kod ostalih depozita u stranoj valuti za 842,8 miliona KM (11,3%) u odnosu na isti period prethodne godine.

Monetarni agregati

(godišnje stope rasta)
2023 - 2026



Protivstavka povećanju novčane mase (M2) na mjesečnom nivou u julu 2026. godine u iznosu od 566,8 miliona KM (1,3%) je povećanje neto strane aktive (NSA) za 71,2 miliona KM (0,3%) i neto domaće aktive (NDA) za 495,6 miliona KM (2,4%). Porast novčane mase (M2) na godišnjem nivou od 4,66 milijardi KM (11,5%) rezultat je porasta neto strane aktive (NSA) za 1,64 milijarde KM (7,3%) i neto domaće aktive (NDA) za 3,02 milijarde KM (16,9%).

Monetarni pregled

	Stanje u mil. KM VII 2026.	Mjesečne promjene u mil. KM			Godišnje stope rasta u %		
		V 2026.	VI 2026.	VII 2026.	V 2026.	VI 2026.	VII 2026.
Aktiva							
1. Neto strana aktiva	24.220,2	295,5	764,8	71,2	7,6	11,0	7,3
1.1. Strana aktiva	26.596,4	452,9	918,8	-31,6	8,6	12,1	8,0
1.2. Strana pasiva	-2.376,2	-157,5	-154,0	102,8	19,8	24,3	16,6
2. Neto domaća aktiva	20.930,3	171,5	-473,9	495,6	17,1	12,6	16,9
2.1. Potraživanja od centralne vlade (neto), kantona i opština	1.802,5	-44,6	-863,0	335,6	40,1	-16,1	26,9
2.2. Potraživanja od domaćih sektora	29.480,4	412,5	494,0	196,0	11,7	12,4	12,6
2.3. Ostale stavke	-10.352,6	-196,4	-104,9	-36,0	6,4	6,9	6,7
Pasiva							
1. Novčana masa (M2)	45.150,5	467,0	291,0	566,8	11,9	11,7	11,5
1.1. Novac (M1)	28.351,6	336,1	296,1	483,2	13,1	13,2	13,0
1.2. Kvazi novac (QM)	16.799,0	130,9	-5,1	83,5	10,0	9,2	9,1

Kreditni

Ukupni krediti domaćim sektorima na kraju jula 2026. godine iznosili su 31,3 milijarde KM i u odnosu na prethodni mjesec zabilježeno je povećanje kredita od 306,6 miliona KM (1,0%). Kreditni rast je registrovan kod sektora stanovništva za 155,6 miliona KM (1,0%), kod nefinansijskih privatnih preduzeća za 36 miliona KM (0,3%), kod vladinih institucija za 127,2 miliona KM (6,8%) i kod ostalih domaćih sektora za 5,3 miliona KM (1,2%). Smanjenje kreditnog rasta na mjesečnom nivou zabilježeno je kod nefinansijskih javnih preduzeća za 17,5 miliona KM (2,0%).

Godišnja stopa rasta ukupnih kredita u julu 2026. godine iznosila je 13,9%, nominalno 3,83 milijarde KM. Godišnji rast kredita registrovan je kod sektora stanovništva za 1,71 milijardu KM (12,4%), kod privatnih preduzeća za 1,35 milijardi KM (12,1%), kod vladinih institucija za 580,3 miliona KM (41,3%), kod nefinansijskih javnih preduzeća za 105,7 miliona KM (14,3%) i kod ostalih domaćih sektora za 79,2 miliona KM (21,9%).

Sektorska struktura kredita

	Stanje u mil. KM VII 2026.	Mjesečne promjene u mil. KM			Godišnje stope promjene u %		
		V 2026.	VI 2026.	VII 2026.	V 2026.	VI 2026.	VII 2026.
Ukupno	31.297,3	531,7	464,3	306,6	13,0	13,4	13,9
Od toga:							
Stanovništvo	15.552,5	182,1	157,7	155,6	12,7	12,7	12,4
Privatna preduzeća	12.474,6	210,0	248,6	36,0	9,9	10,7	12,1
Vladine institucije	1.987,0	133,8	-30,1	127,2	37,0	32,3	41,3
Javna preduzeća	842,5	-1,3	56,8	-17,5	14,9	24,8	14,3
Kreditni ostalim domaćim sektorima	440,7	7,1	31,2	5,3	23,9	28,2	21,9

Depoziti

Ukupni depoziti domaćih sektora na kraju jula 2026. godine iznosili su 40,43 milijarde KM i u odnosu na prethodni mjesec depoziti su povećani za 95,1 milion KM (0,2%). Povećanje depozita na mjesečnom nivou registrovano je kod stanovništva za 270,8 miliona KM (1,3%), kod privatnih preduzeća za 24,2 miliona KM (0,3%), kod nefinansijskih javnih preduzeća za 10,6 miliona KM (0,5%) i kod ostalih domaćih sektora za 1,2 miliona KM (0,1%). U istom periodu depoziti su smanjeni kod vladinih institucija za 211,7 miliona KM (3,3%).

U strukturi depozita stanovništva najveći dio se odnosi na transakcijske račune 51,2%, dok su depoziti po viđenju 19,5%, a oročeni depoziti 29,3% ukupnih depozita stanovništva.

Godišnja stopa rasta ukupnih depozita u julu 2026. godine iznosila je 13,4%, što je u apsolutnom iznosu 4,79 milijardi KM. Godišnji rast depozita registrovan je kod sektora stanovništva za 2,45 milijardi KM (13,2%), u čijoj strukturi su transakcijski računi porasli za 17,0%, depoziti po viđenju za 8,0% i oročeni depoziti za 10,3%.

Rast depozita na godišnjem nivou zabilježen je i kod privatnih preduzeća za 827,8 miliona KM (10,2%), kod vladinih institucija za 1,2 milijarde KM (24,0%), kod nefinansijskih javnih preduzeća za 98,7 miliona KM (5,2%) i kod ostalih domaćih sektora za 213,7 miliona KM (10,4%).

Sektorska struktura depozita

	Stanje u mil. KM VII 2026.	Mjesečne promjene u mil. KM			Godišnje stope promjene u %		
		V 2026.	VI 2026.	VII 2026.	V 2026.	VI 2026.	VII 2026.
Ukupno	40.433,5	500,5	1.639,2	95,1	12,9	16,8	13,4
Od toga:							
Stanovništvo	21.045,4	69,9	152,1	270,8	12,8	13,0	13,2
Privatna preduzeća	8.909,0	248,3	165,8	24,2	11,7	10,9	10,2
Vladine institucije	6.217,7	223,1	1.309,6	-211,7	19,0	50,0	24,0
Javna preduzeća	1.994,2	-72,3	27,0	10,6	4,3	9,3	5,2
Depoziti ostalih domaćih sektora	2.267,2	31,6	-15,3	1,2	13,1	11,5	10,4

Devizne rezerve

Devizne rezerve Centralne banke BiH na kraju jula 2026. godine iznosile su 19,93 milijarde KM i na godišnjem nivou su povećane za 2,26 milijardi KM (12,8%).